

江南漕河考

大江以南古稱澤國千注萬港不患乏水然漕渠所貫每多淺
溢尚煩挑濬而附近湖澤亦所資賴焉為作江南漕河考

自杭州至蘇州三百四十里自蘇州至京口三百六十八里

武進縣運河 每患淺溢東倉橋一帶應挑濬深通

沙子湖 在武進縣西北湖水東流入運

開家湖 在丹陽西北水通運河今涸

練湖 與開家湖相近水通運河但湖無泉源雨則成渠旱則

同涸康熙二十年後已賦為田矣

丹陽縣北運河 夾密等處係鑿山通道沙礫每致淤淺
猪婆灘 在丹徒縣南地多流沙年例撈濬此處為最

京口閘 在鎮江府北江口丹陽丹徒一帶運河本無水源資
潮以濟潮長則開閘以放舟潮落則閉閘以積水若水淺舟
膠則丹徒鎮閘亦係通江支河放水入漕可以濟運

江南漕渠多有橋梁粮舡俱不豎桅一出京口則千檣高矗
矣以北達通州俱無橋梁也

按大江以南河所不犯故但有漕渠淺阻之患而無濁河走
徙之患

淮揚漕河考

南會于江北達于淮諸湖所匯地勢低窪或築堤以拒水或建
閘以通舟誠江淮之樞紐清濁之咽喉也為作淮陽漕河考

自瓜州至清江浦四百里運河係歷代所開考禹貢揚州貢道
曰沿於江濟達於淮泗可知其時江淮不通故自江沿海而後
達淮春秋時吳王夫差開邗溝江淮始通乃有此河不知後來
何緣復塞明初江淮粮舡到淮猶用車盤過壩直至平江伯陳
瑄開清江浦建天妃閘然後江水復通於淮此江淮漕運通行
之始也水皆平流微覺北高於南

瓜州鎮 江浙粮舡由此進口初時江口有壩粮船俱用車盤
入漕今壩廢設置二閘亦不啟閉

儀真縣開河 旧例江北及江西湖廣糧舡由此進口有四閘

白塔河 在揚州府東明初江南糧舡從常州西北由孟瀆

過江入白塔河至灣頭達漕河今此路久廢

稻河 邵伯湖水常由金家灣下運鹽河入芒稻河入江

上雷塘 下雷塘 並在江都縣西北十五里唐人作之以引

水溉田上塘注水廣長共六里餘下塘注水共七里俱由淮

子河濟運

小新塘 在上雷塘東北廣長二里餘水注上塘轉下塘由淮

子河濟運

句城塘 在儀真縣東北四十里南流入漕河

陳公塘 在儀真縣東北三十里周圍九十餘里西北依山東

南面水

按以上五塘渚天長六合諸山建瓴而下之水旱則瀉于漕
渠潦則南淮於江置有塘長有守自塘規墮廢水歸三湖潰
堤妨運其後屢復屢廢今悉為田矣

高寶諸湖 旧志運河以西有白馬汜光甍社等十七湖今俱
不可辨但概名之曰寶應湖又南為界首湖又南為高郵湖
邵伯湖而已運河以東有三十六湖今亦不可考其最著者

北曰射陽湖在寶應湖東六十里志稱東西三百里延亘于山寶鹽城之間凡山寶之水自涇河澗河來者俱由此出喻口白沙以入海今則尽淤為民田矣下此則廣洋湖得勝湖喜鵲湖俱由安海以達於海

明河道侍郎王恕奏云揚州一帶河道南臨大江北抵長淮別無泉源止藉高郵邵伯等湖所積雨水接濟無如漕河身高于諸湖每遇旱乾河水消耗河中便不能行船若將河身浚深三尺則雖旱無憂矣

清水潭 自淮安府城南至邵伯埭漕渠西畔諸湖綿亘清水

潭尤為險要黃河自高堰南決必停注于此蓋揚郡屬邑惟高郵最為低下謂之孟城被水患最劇

康濟越河 在高郵湖東長四十里明宏治時開以避湖險

宏濟越河 在寶應湖東明正德時開以避界首驛槐角樓一

帶湖險

八淺堤 在寶應西十餘里白馬湖之中心

明河臣萬恭疏云高寶諸湖周遭數百里西受天長七十餘河秋水灌湖徒恃百里長堤若障之使無疏洩是潰堤也以故祖宗之法徧置數十小閘于長堤之間又為之令曰但許

深湖不許高堤故以淺舩淺夫取河之淤厚湖之堤夫閘多則水易落而堤堅浚勤則湖愈深而堤厚意至深遠也比年畏脩閘之勞每壞一閘即埋一閘歲月既久諸閘盡埋而長堤為死障矣畏浚淺之勞每湖淺一尺則加堤一尺歲月既久湖水捧起而高室為孟城矣

淮安府裡河外河 明初漕運自儀真抵淮安謂之裡河俱分入五壩轉盤黃河謂之外河原不相通後平江伯開清江浦由天妃口徑通黃河仍設閘以司啟閉凡舟出入啓一閉二每歲三月以後糧舩過完即行封閉隔絕黃水官民船盤剝

如故其後漕規廢弛閘不能閉黃水灌入河臣乃議塞天妃口以杜黃水創開三里新河設通濟閘以通淮水其後閘廢不修淮水不息黃水乘之高室湖堤年々冲決鹽興等處歲々被灾矣

淮安府城低窪如在釜底惟恃一線土埧禦黃淮諸湖滔天之勢每年加埧護堤包土塞城人民惴々今河北徙草灣去府城遠甚人免于昏墊矣

黃浦 在淮安府西

潘季馴疏云高堰據黃浦之上游而黃浦為興寶鹽城之門

戶高堰既築黃浦之功自易黃浦既塞則興寶鹽城一帶田地盡行乾出自茲兩河橫流涓滴皆由正道海口河身日見深刷可免壅潰之患矣

五壩 在淮安府城北

元時明初江淮不相通淮城北瀕淮其間築五壩仁義二壩在東門外之東北運舡由此車盤入淮禮智信三壩在西門外之西北商民船由此車盤入淮自後開清江浦出運舡民船尚由五壩入淮今則併民船亦從清江浦二閘出口矣五壩車盤之法既廢二閘啟閉之禁又弛于是黃水入淮裡河

清江口淤下河水患自此日劇

五壩去河僅二十餘丈進船水溝每為濁流所淤常事撈濬如更廣長河以能車盤今清江浦淤沙稍遠舡遂不能進矣永濟河 自府城西過管家湖西行至甘羅城出口設置三閘曰永清曰福興曰龍江自萬曆年間已淤且此河通非惟有妨關稅六且有碍漕渠

草子河 自越城下寶應湖

烏沙河 自淮安新城西出兩城間東行過廟灣南北流入海
清江浦 在淮安府城西北去城三十里明永樂十四年平江

伯陳瑄即沙河旧址開鑿俾糧船俱由出口漕運襟喉以故商賈湊集民居櫛比為淮上一都會

清江浦今無來流全借黃淮之水內灌方可浮舟而黃流甚濁恐致淤墊故復設天妃等五閘遞互啓閉以便節宣時將入伏閘外即築軟壩一應船隻俱于五壩車盤行之二百餘年後因天妃閘全納濁流故復改於三里溝尋又改於甘羅城即今通濟閘此處為南河口乃淮水獨經之地離黃向淮用清避濁最為便益但須伏秋堪斷九月始開後閘禁廢弛一任黃流內灌是以有隆慶四年高堰之決

平江伯置清浦一線之堤全為漕船計並非為商賈計故相去僅二十餘丈今因漕舟過往商賈輻湊一線石堤乃為闌閘之區惴々乎鰲背求生者幾萬餘人失其初意矣

王公堤 在清江浦內捍運河外抵黃淮二瀆之冲勢甚危險一有潰決民皆魚鱉高室一帶運河必斷而下河七州縣俱當陸沉今堤外皆有淤沙壅積淮城可安枕矣

天妃閘 本平江伯置在惠濟寺濱河直向淮黃交會處黃水易于內灌萬曆時河臣潘季馴因移運口於新庄閘南去數里以納清避黃後亦以天妃名之非其故矣

河臣萬恭奏淮安清江浦河六十里陳瑄浚至天妃祠東其
口決西注於黃河運舡出天妃口入黃河穿清河半餉耳嗣
緣黃河水漲逆注入天妃口而清江口多淤第制天妃口可
也議者乃塞天妃口令淮水勿與黃水值而費數十萬開新
河以接淮河其說曰接清流勿接濁流可不淤不知黃流非
安流之水也伏秋盛發則西擁淮流數十里併灌新開河彼
天妃口一黃水之淤耳今淮黃會于新開河口是二淤也夫
防一淤生二淤又生淮黃交會之淺歲役丁夫隨濬隨合又
使糧舡迂八里淺滯而始達于清河孰與出天妃口者便且

利今年黃淮交會太淺運舡阻梗臣開天妃月河以待一掘
而通之四日出南舡四千二百艘于黃河運遂盡矣臣是以
有建天妃閘之議蓋今早運之期黃水正落由清江啓天妃
閘順出黃河既無淺阻又免批濬漕舡直達清河運盡黃水
盛發則閉天妃閘謝絕黃水彼河雖善淤安從假道而犯及
清江浦哉黃水一落文啓天妃閘以利商舡新河口勿浚可
也勿用可也

通濟閘

在甘羅城餘詳清江浦條下

明給事徐常吉復請移通濟閘向南潘季馴駁之曰查淮郡

之水別無支流可引欲通漕舟不得不資兩河欲資兩河必
難免其內灌若移閘愈南則納濁愈甚又多涉險阻六十餘
里 陳瑄疏治清江浦裡河慮黃河灌入泥沙淤積設三閘
以慎啓閉原約運畢即閉官民船隻並由五壩車盤入河不
許在閘出入前人立法未為不密無如法久廢弛各閘難設
任其流行絕不禁止往來舡隻與無閘同于是淮水入之黃
水亦乘虛入之泥沙日積河身日高清口阻塞淮始不東流
而南決壞高家堰則皆閘禁廢弛之故也不然何自元至明
二百餘年不見冲決直至萬曆初閘禁廢後乃大決也明臣

不知其故徒欲使天妃閘出口之漕舡改從通濟閘出口以
為向清避濁不知通濟天妃僅隔八里苟閘禁不嚴雖復改
移其弊相等

鳳陽廠 新河在清江浦南自張華潭口往西轉過清江浦復
向北出五空橋入運河

望湖閘 自文華寺西往南過七里澗閘至太山墩向西出口
由頭道引河入黃河

現今運河出口由文華寺北西行過惠濟祠至太山墩復折
向西北至大墩出口會黃

自明潘季馴改移運口距黃淮交會之處不過二百丈黃水仍復內灌運口淤淤牽挽艱難于是建閘置壩嚴啓閉之條至本朝靳總河移運于爛泥淺之上自新庄閘之西南挑河一道至太平壩又自文華寺永濟河頭起挑河一道引而南經七里閘復轉而西南六接太平堤俱達爛泥淺之引河內則兩河並行互為月河以舒急湍而備不虞外則河渠離黃淮交會處不下四五里黃水不特不能灌運河併不能抵運口矣

淮北漕河考

絕河入運舍危就安然太過黃河時防淤會運以西舟行一路既虞水淺又慮河冲八閘之中尤多淺溢為作淮北漕河考

自中河口至夏鎮幾五百里皆元明以來為漕運而開者

中河起清河縣至宿遷駱馬湖止廣九丈至七丈不等深丈餘共二百里康熙二十七年靳總河開以避桃源宿遷一段黃河之險初約重運由此回空仍由黃河今河身廣濶即回空亦由之矣

仲家淺本係初時中河出口處在清口下流黃水自西而來被仲家閘所出之水攔腰一冲大油逼撞南岸折回而掃清河縣玉皇閣一帶險工旋渦盤礴淮水勢弱被遮而不得北

出逼循南岬側流至清和縣之八里庄將清口西岸黃河南
岬汕去三四十丈嚮之清口東北向而躡黃拖下者今則西
北向而反以迎黃安能免於內灌恭遇

聖祖閱視河工命改中河出口處於揚家庄在清口上游南北
兩漕渠夾攻而下黃水不得不起其中由是積沙盡闢河道
深通

明臣河議云漕河原不用黃河之水惟用汶洸沂泗諸泉溝
湖之水足以濟之渡淮而西皆是清水至正統十三年黃河
始分流至徐州以入漕河然猶稍與清水合流清水七分

濁水止三分耳而河道仍狹沿河俱設有淺鋪後黃水大來
河道深廣淺鋪亦設而不用於是運河及借黃河之水而忘
其害馴至泥沙壅積併旧河而失之此後來以病為藥而不
知反客為主之害也今中河之開正合明初不用黃水之意
然復因中河水小時或引以濟運又適犯明運道用河之病
中河之開避去河險最為要策但新河開處不應逼近黃河
中間相去不踰數里近者止隔里許倘有疏漏能保無相侵
之患乎

要覽云中河以洩黃夫開中河所以避黃也極力堵塞尚虞

侵犯乃反用以洩黃、由此洩則濁水自此行始而假道既而合併非淤即奪殆將不免

本來運道自出清口湖黃河行一百七十餘里至宿遷縣又十餘里進駱馬湖口由湖中行四十餘里始入皂河又三十餘里至壘灣口入邳州境

駱馬湖

在宿遷縣西北十里廣七八里袤三十餘里上受沂河之委下出董陳二溝以入黃河明季嘗由此河行運入沭

康熙十八年開皂河行運此湖遂廢不行

孫承澤河紀云駱馬湖在宿遷縣西萬曆中因磨兒庄水滷

損舡因築堤遏山東沂水入駱馬湖今出清江浦糧船進董家溝陳家溝由此湖入沭河

考駱馬湖本係民田明季黃河屢決河底墊高常有漫溢之水流入至低之田潴積不流因有湖名 本朝運船常行其中今湖中淤淺另開皂河運船但經其口不入湖行矣

皂河 在中河之北沭河之南起溫家溝歷壘灣至毛兒窩共四十里其出口處去宿遷五十里康熙二十年間皂河運河為黃水所淤糧運艱阻乃遵

聖祖方畧開皂河口另開一河順導運河之水直下十五里出

張庄口清水遂有建瓴之勢黃雖異漲不能灌而淤之矣
直河口 在皂河口西十里明末粮舡由此進口二十里田家

口二十里馬庄集二十里毛兕窩後其口為黃水所淤改行
於董家溝後董家溝復淤取道路馬湖行湖中今粮舡由中
河過張莊口三十里牛頭灣二十里魚頭集二十里毛兕窩
則又另是一河矣粮舡過此口入閘河與黃河日遠故過直
河口為重運一大關鍵

沂河 出山東沂水縣界南流過沂州郟城至徐塘入漕河
泗河 毛兕窩至夏鎮共二百五十二里為泗溝河有八閘明

萬曆三十二年提河李化龍所開

考泗水有二東泗河原出費縣迤沂水西北箕山南流過卞
莊東分一支入芙蓉湖西泗河出沂州西南東南流與東泗
河合貫四湖又南合嶧縣滄浪淵同為武河謂之泗口中經
葛盧嶺初謂不可開後竟鑿之

武河 即小沂水開泗河以避洪險元時已有其議至萬曆中
始開之至今通行

隆慶時開泗河工部覆疏云良城至馬蹄灣石地五百五十
丈上有黑土四尺下多砂土二三尺不等層靠又係疆土以

下紅砂石層，厚一二尺不等，斂鑿難施，俱用鉄鍬石木等錘開鑿，深淺不等，深處二丈五六尺，淺處二丈二三尺以下，砂礪石愈加堅硬，內有東西，工泉水湧沸，急流有聲，屏水之上，更多前項二程以下，再挑二倍，方与水平相等，較之先做一分，尤為加倍，一則高下出土之難，二則晝夜徹水之苦，寔難開鑿。當時覆部之言如此，及後來開河建閘舟楫行之，避黃河之險者三百餘里，則又以為漕河諸水之開，莫善於泲，可見一時所見多有未盡，然者親經踏勘者尚如此，臆說云乎哉。

泲河之北有呂孟等湖水，皆入泲溝以濟運。

邳州地勢低，州東北毛兗窩一帶地勢高，水發則直灌州城，併宿遷各堤俱難保，故築唐宋山格堤以攔之。毛兗窩斜對為彭家河，凡豐碭沛徐及東省十餘州縣俱由此河入運。每慮伏秋暴漲，運河難容，故築毛兗窩萬店馬庄集減水壩三座以洩之，使東入駱馬湖也。

微山湖周圍百餘里，凡兗州東境之水皆南注之。徐邳間一巨浸也，今半淤為民田矣。

昭陽湖在沛縣東八里，周圍二十九里，邳滕二縣水咸匯于

此下与薛水合自金溝口達于泗河嘉靖四十四年黃河北
溢湖堙又開新河運道去湖益遠矣

山東漕河考

新河會通水無東路山泉湖水即以資運然沙灣張秋地形最下黃河北決直注于此受病之處尤當預防也為作山東漕河考

夏鎮至南陽九十六里共四閘名新河嘉靖四十四年掘河朱
衡所開南陽至南旺一百四十里共十一閘南旺至臨清三百
六十里共十八閘俱名會通河明人循元人遺跡所通

開河本無水源所恃者汶泗沂沭諸水其出又微不得已置五
水櫃積水以濟之即安山馬場南旺蜀山馬鬮諸湖也明制各
湖俱設水車三百五十部遇旱則起夫戽水入漕渠以濟運而
諸泉之水亦所攸賴焉

汶河 汶水之源有三一出太山仙臺嶺一出萊蕪縣原山之

陽一出萊蕪縣寨子村會太山諸泉至靜封鎮合而為一謂之大汶口轉西南与小汶河合全流至南陽縣西北分而為二其一為元人所改于寧陽縣北作堽城堤阻截汶流遏使南出別為洸水會泗沂諸水分流入濟寧天井閘河南北分水濟運其一由堽城西流至東平州東五十里會坎河諸泉至汶口而分其西流者入大清河由東阿而北至利津入海此故道也無如濟寧州地低于南旺不便分水明永樂時開會通河乃于寧陽縣北三十里轉築堽城堤遏汶水入洸之流又於坎河之曲築戴村堤以遏汶水入大清河之路務使

全流尽由汶上縣西流至南旺南北分水六分北流入衛四分南流入漕此漕河所資以濟運也

泗河 出陪尾山下四泉並發故曰泗水西南行經卞城過曲阜縣北分為二流北曰洙水流經孔林前而泗水繞其後合而西流至兗州府城東西南流合沂水一同入師家庄閘河元時因分水在濟寧乃作金口閘遏水西流由府城以至天井閘濟運至今如是

沂水 此沂水出尼山過曲阜南合雩水入兗州城而西至濟寧州東合洸水入漕濟運

洸河 即汶水支流元人欲以濟運因築堽城壩於汶北以遏其北流入大清河之路明初又改堽城壩于汶南以遏其南流會泗之路而洸河之流幾絕然堽城之南宮莊河之入於洸者如故但其源微而流不長成化十一年主事張盛復改堽城壩為堽城閘稍分汶水之支以益之遂西南流至濟寧會泗沂二水入漕濟運

沙灣 在張秋南十二里地低窪黃河北岸決常冲之

張秋 屬東阿縣跨漕河而為鎮運渠一大都會也然常為決河所中其關係處在荊隆口及黃陵岡

臨清州 臨衛河濱漕渠貫其城中有二閘一啟則一閉與濟

寧州同糧舡過城入衛河則閘盡矣

河防權云閘河地亢衛河地窪臨清板閘口正閘漕衛兩河水交會處每歲三四月間雨少泉溢閘河既淺衛水又消高下陡峻勢若建瓴每一啟閉放船無幾水即耗盡漕船多阻宜于閘口百丈之外用椿草設築土壩一座中由金門安置活板如閘制然將啟板閘先閉活閘則外有所障水勢稍緩而於運舡出口易於打放衛水大發即從拆卸歲一行之所費無幾亦權宜之術也

古黃河道 自開州南經館陶吳橋寧津界入海

明永樂時嘗於中灤下二十里開濬舊黃河分道守河流使由故道北入于海

弘治初白昂議自東平東北至興濟鑿小河十餘引水入大清河及古黃河入海

金堤 自滎陽經清豐南樂東昌至濱州至海

南陽湖 在魚臺縣東三十里周圍約四五十里運河經其中水深五六尺淺者二三尺東湖俱菱荷西湖俱馬蘭艸及蒲葦

馬場湖 在濟寧北十里蜀山湖之南漕河迳其西周圍四十

里東南有堤西北為受水處有斗門三座

馬蹋湖 西南通南旺湖周圍三十四里東北有低缺處長十里築堤東水漕河亘其中汶河堤在其南

南旺湖 在汶上縣西三十里即宋時梁山泊之東涯周圍三百餘里明時周圍九十餘里漕渠貫其中北接馬蹋湖西北接安山湖南接馬場湖南北運道分水處今河身日淤弥望民田

蜀山湖 在漕河東岬即南旺東湖始初周圍六十五里中有

小山今淤

安山湖 在東平州西十五里繞安民山下旧志周圍一百餘里明時已為民田僅存湖形三十八里今一望平陸于運道全無所濟

坎河泉

灰泉

扒頭泉

王老溝泉

大黃泉

小黃泉

源泉

靜泉

蘆泉

席橋泉

徐家泉

安圈泉

吳家

泉

鐵溝嘴泉

獨山泉

列泉

張胡郎泉

以上十七泉屬東平州皆入汶河

灤淄泉

雞爪泉

龍聞泉

以上三泉屬汶上縣皆入汶河

柳青泉

以上一泉屬平陰縣入汶河

拖車泉

馬房泉

開河泉

王家泉

青泉

吳家泉

臧

家泉

董家泉

鹽河泉

以上九泉屬肥城縣皆入汶河

馬王溝泉

胡家港泉

龍王泉

陷灣泉

報恩泉

胡港

溝泉

狗跑泉

水磨泉

臭泉

新查出泉

土泉

張

家泉

梁家庄泉

梁子溝泉

北滾泉

順河泉

木溝

泉 風雨泉 馬先溝泉 板橋灣泉 龍灣泉 范家灣

泉 鯉魚溝泉 皂泥溝泉 水波泉 神泉 東西二柳

泉 力溝泉 龍堂泉 顏謝泉 羊舍泉 真溝泉 韓

家泉 鉄佛堂泉 周家灣泉 清泉 新興泉

以上三十八泉屬泰安州皆入汶河

古城泉 柳泉 金馬庄泉 古泉 魯姑泉 張家泉 蛇

眼泉 井泉 三里溝泉 樂瀆泉 龍港溝泉 龍魚泉

以上十二泉屬寧陽縣入汶洸二河

小龍灣泉 大龍灣泉 半壁店泉 涿馬河泉 牛王泉

蓮花泉 青泥溝泉 胡眼泉 趙家泉 馬江岍泉 盧

莊泉 針理泉 明山泉 郭娘泉 海眼泉

以上十六泉屬萊蕪縣皆入汶河

和庄泉 名灣泉 靈查泉 古河泉 公家泉 賈周泉

孫村泉 劉社泉 張家泉 名公泉 西都泉 南陳泉

魏家泉 南師泉

以上十四泉屬新泰縣入汶泗二河

紙房新泉 驛後新泉 下蔣調泉 西北新泉 上蔣調泉

負假泉 古溝泉 關黨泉 東北新泉

以上十泉屬滋陽縣分入泗河兗州府河西流濟運

近溫泉 埠下泉 新安泉 青泥泉 曲溝泉 蜈蚣泉

濯纓泉 溫泉 連珠泉 新泉 變巧泉 城北新泉

茶泉 柳青泉 車輞泉 達泉 雙泉 城南新泉 洙

泗河泉 曲水詠歸泉

以上二十泉屬曲阜縣入沂泗河濟運

三角灣泉 柳青泉 程庄泉 淵源泉 勝水泉 白庄泉

崑山泉 白馬泉 陳家泉 孟母泉 鱗眼泉 馬山

泉

以上十二泉屬鄒縣皆入泗河濟運

魏庄泉 杜家泉 黃溝泉 岳陵泉 壁溝泉 七里溝泉

黃陰泉 天井泉 王溝泉 三角泉 西岩泉 蘆城

泉 大王溝泉 小王溝泉 蔭出小泉 醴泉 東岩石

縫泉 玊珠泉 黃花泉 趙家泉 合德泉 龜陰泉

龜尾泉 龜眼泉 醴前泉 石井泉 黑撈溝泉 蔣家

泉 曹家泉 蔭出泉 變巧泉 吳家泉 卞橋泉 潘

波泉 潘波新泉 琵琶泉 奎聚泉 甘露泉 甘露新

泉 黃陰泉 馬庄泉 三台泉 馬跑泉 繁星泉 白

石泉 新開泉 紅石泉 響水泉 雪花泉 跑突泉
濤靡泉 黑虎泉

以上五十二泉屬泗水縣入泗沂二河西流濟運

馬陵泉 拖基泉 蘆溝泉

以上三泉屬濟寧州

中溢泉 河源泉 廟前泉 高家泉 高家東泉 河頭泉

勝水泉 東龍泉 聖母池泉 平山泉 古泉 西龍

泉 連家潭泉

以上十三泉屬魚臺縣東流濟運

三里泉 劉家溝泉 三山泉 北石橋泉 大烏泉 趙溝

泉 絞溝泉 荆溝泉 南石橋泉 溫水泉 玉花泉

位莊泉 龍灣泉 白山泉 黃溝泉 三界溝泉 荆溝

泉 豹突泉

以上十八泉屬滕縣西流濟運

搬井泉 龍王泉 許池泉 許有泉 溫泉

以上五泉屬嶧縣

按山東泉源屬兗濟二府一十六州縣共一百八十泉分為
五派以濟運道 新泰萊蕪泰安肥城東平、陰汶上蒙陰

之西寧陽之北九州縣之泉俱入南旺謂之分水派泗水
曲阜沂陽寧陽迤南四縣之泉俱入濟寧謂之天井派邳
縣濟寧魚臺嶧縣之西曲阜之南五州縣之泉俱入魯橋謂
之魯橋派滕縣諸泉入蜀山呂益諸湖以達新河是為新
河派沂州蒙陰諸泉與嶧縣許池泉俱入邳州謂之邳州
派此派應在淮北條下因諸泉類及故附于此者
酌其緩急則分水天井魯橋三派尤為漕河命脉每歲春夏
間宜督管泉官夫疏濬通達庶其有濟

臨清至天津漕河考

衛河一水獨上天津發源本微支河復少旱則淺澁潦即衝決固其常也但引沁引漳俱非善計為作臨清至天津漕河考

自臨清至天津共九百五十里係天然之河漢曰屯氏河隋曰
永濟渠宋時黃河出入其間金元以後曰衛河亦曰御河
衛水發源于河南輝縣蘇門山名曰朔刀泉徑新鄉等處合
淇漳二水逾館陶至臨清合汶河之水經德州出天津直沽
入海板閘以東全賴此水濟運無如發源本微太行山一帶
雨多水即洋溢破堤決岍為滄瀛患若遇旱乾水即淺澁糧
運艱阻昔年漳河自館陶入衛水猶可以通舟自萬曆間漳
河北徙衛河水益少漕運益苦淺澁矣

衛河水大則倒灌臨清閘內以淤運道水小常賄臨清閘官于板閘底下作弊放水出口使糧船稍得行動不然竟攔住不行矣凡御河官提淺約定有三尺半水頭則免叅罰否則沿河文武之責也起剝盤費治河官出蓋北河不比南河南河有公費北河無之也

明永樂十年開德州西北小河其河自衛河岸東北至旧黄河一十三里開通泄水以入旧黄河至海豐縣大沽入海凡四百五十七里按衛河以北常苦水患蓋河間當九河下流地本低窪又承太行山千溪萬壑奔冲之水潴洄積貯于

此泛濫橫溢何所不至獨是德州東岸既有此河何不決之使一殺其怒乎衛河之隄不比黄河河北岸逼近閘河其隄必不可輕動衛河東岸已經近海又斥鹵荒區何憚而不為也

鯨堤 在故城縣西南三十里延袤千里自順德廣宗累來

陳公堤 在德州東南五里歷恩縣抵東昌東北抵海相傳宋陳克佐守滑時作九河故道在滄滄間今已形迹全無

古堤 在吳橋城南西南接德州界東北入寧津界

滹沱河 自山西流至青縣南至河南入衛

明天順時都察院都事金景輝疏言運河水淺查得汴梁城北原有黃河故道其河由長垣曹州至鉅野縣出會通河由臨清下衛河若挑濬深濶可引河沁之水以通運又江淮民船亦可由徐州小浮橋達陳橋轉至臨清可免濟寧一帶閘座擠塞由滯之病弊

明時議引沁入衛以殺黃河之勢潘搃河駁之曰衛漳暴漲元魏二縣田地每被淹浸民已不堪况可益之以沁乎且衛水固濁而沁尤甚以濁益濁臨德一路必至湮塞不可也
明萬曆時管河楊一德議導沁入衛濟漕給事常居敬言衛

輝城早於河恐一決有冲潰之患沁水多沙善淤入漕未便
本朝康熙六十年沁水漲決由開州長垣流至山東張秋鎮
侍郎張伯行議引以濟運尚書張鵬翮以為不可奏寢之想
六宗潘常之說也

天津至張家灣漕河考

下合衛河上合通惠諸水所會疏濬為先南北漕糧京通分貯三千七百里有慶安瀾矣為作天津至張家灣漕河考

此段河共二百八十里謂之潞河資潞河白河桑乾諸水以通

漕運過此四十里至通州十五里達京師則資通惠河矣

天津州 衛水至此接潞河

潞河 源出塞外流經通州至天津合衛水入海

蘆溝河 合涿易諸水源遠流長多滙巨浸于武清縣南合潞

河漫直沽入海

白河 源出霧靈山由密雲縣會榆河渾河至張家灣與通惠

河合

通惠河 源出昌平州流經都城入紫禁南出玉河橋由大通橋至通州與白河合楊村以北通惠之勢峻若建瓴白河之流泥沙易阻夏秋水漲則懼其潦冬春水澍則病其涸既難建閘以備節宣惟有疏濬之工殊為吃緊又沿河兩堤如板曾口火燒屯王家務桃花口以上堤岸坍塌卑薄最為險要水發即決濱河州縣淹漫為患糧舡漂淌人甚苦之

淮河考

四瀆之名淮居其二中條之水半會于淮自淮會淮流浸淫泛濫助黃肆虐為患東南幾與黃埒矣為作淮河考

淮水出河南、陽府胎簪山過桐柏縣東行過確山縣南又東過信陽州北又東過羅山縣北又東過光州北又東過固始縣北又東北至江南頓上縣又東七十里至筍橋河口又東四十五里至壽州渦河口又東十五里至肥河口又東十五里過下蔡南又東九十里沿河又東五十里馬頭城又東北三十里至懷遠縣荆山對河塗山又東一百里鳳陽府又東二十里臨淮縣又東八十里五河縣又東三十里浮山又東九十里舊縣又東五十五里泗州對河盱眙縣又東三十里龜山又東北過洪

澤湖、東為瞿堤又東北過阜陵湖、東為高良澗周家橋又東北過泥墩湖、東為高家堰又東北過范家湖、東為武家墩又北出清口入於河

右係現今淮水路程不惟與禹貢不同亦且與水經注有異蓋歷代變遷使然也

按淮河為四瀆之一會河南江南兩省強半之水以出清口源遠流廣一當漲決莫可遏禦及其枯涸又難冲刷浮沙淮弱黃強遂為所灌糧運阻滯職此之由運道樞紐全在乎是節宣之道不可不亟講也

桐柏至泗口淮河考

諸水所趨一百三十沿運受納旱潦為憂苟無節宣下流多決皆以灌漑不惟水有攸歸而亦多所利矣為作桐柏至泗口淮河考

此段淮河經歷兩省所會諸水皆自河南而來沿途合流以入于淮

少陽 雙溪 潁水 五渡溪

以上四水自河南府來入淮

淮源 賈河 澧河 灰河

以上四水自南陽府來入淮

馬蹄河 旃然河 鉄裏河 穀河 石梁河 瑪瑙河 泗
曲河 玉寨河 賈路河 五通河 汜水 澱水 鄭水

京水 索水 須水 巴河 阿谷水 伯俞河 蔡河
惠民河 溱水 洧水 土盧河 隄河 潁水 淇水
楮河

以上二十八水自開封府來入淮

汴河 馬腸河

以上二水自歸德府來入淮

白河 睢水

以上二水自夏邑縣來入淮

洪河 荆河 沙河 來馬河 包河 黃酉河 吳寨河

石洋河 白露河 官渡河 潢河 高陌河 寨河 營

河 泥河 谷河 閭河 五水 閔河 史河 曲河

石槽河 明河 黃土河 潁河 三灣河 九曲河 竹

竿河 溱水 潁水 汶水 鮑水 紫水 大灌水 小

灌水 金漿 澗水 潁水

以上三十八水自汝寧府來入淮

汝河 洗耳河 黃澗河 沙河 禳河 長橋河 湛水

妙水 漁水 扈澗水

以上十水自汝州來入淮

按五府一州有名之水通共八十八道內伯俞河蔡河惠民
河三水已淤隄河即睢水褚河即潁水寔八十三道尚有河
南之房村河汜水澧河昆水三里河拐子河三家河黃泥河
燒車河月河盧家河瀨水五里河棗祗游河楊柳河淇河孔
家河鑼鼓河聽陽河流堰河小黃河淤坡河雙輪河穆家河
馬長河春河桂河鄭家河江南之洧河絨河柳溝河小澗河
大澗河茨河淝河宋唐河茨河決水泚水泄水洱河渴河東
濠水西濠水許家河又共四十六道統而計之為一百二十九
道水皆入淮其小溪小澗之水未能悉載所以一經驟雨衆

水下流惟陳蔡之間善治陂澤非獨水得所歸民田亦獲灌
溉之利若開封歸德一帶河道淤塞溝洫不通水無出路時
多旱潦之憂

泗州至清口淮河考

漕黃樞紐南北咽喉力專則黃刷勢弱則沙淤洪澤既清濁關
津高堰實淮揚保障雖非漕運所經實為河防重地為作泗州
至清口淮河考

此即禹貢東會于泗沂之路古者泗水入淮在今泗州謂之泗
口隋唐汴渠亦由之元至正二十五年河決小河口于是泗州
之泗水流絕直至于今俱從清河入淮然淮之故道固無改也
泗州 其城臨淮本屬旱地黃河自小河南決挾諸湖之水建
瓴而下滌泗州境不得宣洩而州城始灌浸矣蓋州城對峙

即係盱眙縣盱眙之南即天長六合多岡阜疊障淮水不東而反北出其勢已逆而龜山又復間阻故州治時被水淹洪澤湖在山陽縣西南九十里本屬小河自黃河潰決全淮壅注不得暢流入海漫衍四反遂為淮鳳間一巨浸其中尚有洪澤村寥寥民居數十浮沉于洪濤之中其周圍大約有數百里西北堤曰歸仁所以障黃河淮河及靈芝諸湖水之北來東南堤曰高堰所以障淮水之東出務使淮水全注清口以助黃刷沙使水出海

阜寧湖

泥墩湖

范家湖

三湖相接在洪澤湖北淮河西

自河決淮漲滙為一湖淮水亦行其中莫能辨矣

頭道引河

爛泥淺大引河

爛泥淺小引河

裴家廠大引

河 四道並在范家湖北蓋范家湖去清口尚遠積沙阻之不能冲刷靳摠河疏此以導淮刷黃而不知河分為四其力已微黃水乘之倒灌諸湖汪洋大水行將胥化夷庶未可知也
翟壩 去清口一百二十里洪澤湖水有東流入寶應湖冲漕河隄岍者築此壩斷

越城周家橋 去清口九十里地勢稍亢淮水大漲方有溢出水之消仍為平地蓋不洩淮河固有之水無碍于刷沙之

力者也故潘總河稱為天然減水壩坡而不堤

高良澗 在淮河東岨

高家堰 在淮安城西南四十里起武家墩經小大澗至阜寧湖止相傳漢廣陵太守陳登所築明世脩之所以阻障淮水使不得東入漕渠以灌下河田地關係甚重歲久剝蝕私販盜徒利其直達可免盤詰往、盜決之至隆慶四年大潰淮水東注下河七州縣俱被水淹而淮安城內可以行舟淮水既東黃水躡其後濁流西汴清口遂淤決水行地面宣洩不及清口之半不免停注上源而鳳陽壽泗間亦成巨浸矣明

潘總河重修本約涓滴不容洩漏以全淮力 本朝靳總河

乃於堤上設滾水壩六座澗一百八十餘丈俾泄諸湖之水入下河七州縣于是下河水沒而清口淤淤矣恭遇

聖祖閱視河工命折六堤以束淮敵黃清口復通

武家墩 近清口

王簡張福二口 在清河縣黃河南岨淮水漲時每泛此洩入黃河致分淮水之力而清口淤淺且黃水泛漲亦能倒灌入淮故築二堤扞之則淮無所出黃無所入而清口之力專矣觀乎此而治淮套分淮之策豈可行乎

歸仁隄 在泗州城北長三十九里明潘搃河修築以捍禦黃
水睢水湖水使不得直射泗州冲高堰又束睢湖二水併注
于河以助其湍激刷沙之勢康熙七年桃源河決黃水泛溢
靳總河乃作滾水壩于歸仁堤初意祇在疏洩漲水而不知
黃水透入濰湖諸水從之淮尔大漲以致泗州頻歲淹沒而
河流又因失助刷沙無力以致清口沙停濁流倒灌遂決高
堰而下河七州縣被灾則歸仁堤開填洩水之害也康熙三
十五年

聖祖親臨閱視開歸仁引河道導濰入河而淮流減漲泗城復安

清口以東淮河考

堤填星羅帆檣雲集但數里之內兩漕交流四口互注一有冲决
下河為魚矣安東以下一河獨流患差耳為作清河以東淮河考

此段淮河今日已為黃河所據人皆謂之黃河矣然寔淮河故
道也

草灣河 黃河故道本在淮安府新城之北西橋地方東行入
海明嘉靖三十年間忽流行于草灣地方而西橋之故河塞
未幾草灣河塞大河仍行于西橋萬曆十六年大河又行于
草灣而西橋之河淤其河東流六十里至赤晏廟復南合于
正河，身索濶百許丈而清江浦則遠于河患矣

老黃河 自桃源縣三義鎮經毛家溝漁溝等處仍歸大河去

清口僅五里耳

王家營 警家營之下鮑家營鮑家營之下王家營在清江浦對岸此處嘗有決河北流分行入海故道此處得洩清江浦外堤可保無患

雲梯關 在安東縣東八十里旧時黃河于此出海今關東各套漲沙至海口一百二十里土人謂更復幾年可走上雲臺山滄海桑田詎不信夫

礮砂 黃河中礮砂三處桃源之古城清河之曹家窪安東之蓮華庵也每為河流之梗然去之甚難當冬春水落用釘犁

鉄鈿等鏟削終難施力宜于伏砂斷絕之處另開越河里許引水避沙

下河 下河形勢西則漕堤南則臯泰一帶江岸北則廟灣一帶陸地東則沙岡綿亘二百餘里自廟灣南至于丁溪四圍俱高而興泰鹽及各縣之田處其中故諺有如釜之喻南河志云高室諸湖受天長六合橫治諸山溪澗之水平時已有滔天之勢若放淮入湖則高室一帶漕堤即錮之鉄難保不崩、則運道阻而民其魚矣故下河遇靈潦之年淹沒在所不免明隆萬間下湖積水開射陽湖以洩之不能尽又開丁

溪草堰白駒鹽城海口以洩之積水始平爰設閘座水大則
啟之以洩內水天旱則閉之以拒海潮其原來湖蕩低窪之
處仍聽存田以備漁採故田疇歲熟而為魚米之鄉

河防一覽議支河云下河水溢當事者不探其原惟尋其委
請開興化縣之丁溪白駒二場海口鹽城縣之周祿港及踏
勘看得地勢外高內窪無從宣洩而潮水灌入填塞甚易士
民又呈稱開挑支河引入潮水一為淹沒永不堪種

范公隄 起自呂四場終于徐瀆接連數百里環繞三十場堤
以外俱係鹽場草蕩灶丁居住煎辦鹽課離海遠者百里近

者數十里不苛堤以內則有運鹽官河一道南抵泰州北抵
厠灣西通高寶興鹽諸處各湖港商民船隻往來蓋外以擇
海潮內以護鹽河計至深利至溥也其洩水入海之路有白
駒閘口及牛灣河瓦龍諸港皆隨地形潮勢宣洩亦不為害

歷代河淮交會考

淮南黃北形勢不同黃濁淮清性情迥別然北者忽移而南清者忽變為濁交會之概厥有由始為作歷代河淮交會考

漢

武帝元光三年河決瓠子通於淮泗

此黃河合淮之始至元封二年復塞

宋

太宗太平興國八年河決滑州由曹濟至彭城入淮
自元封塞後至此已千餘年矣
真宗咸平三年河決鄆州入淮泗

天禧三年河決滑州東入淮
神宗熙寧十年河決滑州由南清河入淮

金

章宗明昌五年河決開封由渦河至泗州入淮 自此之後黃
河常與淮合

元

順帝至正二十五年河決小河口由清河縣入淮
至正二十六年河北徙清河口復淤

明

太祖洪武元年河自泗水入淮

洪武二十四年河決原武由潁州至正陽鎮入淮

英宗正統十三年河自滎陽由渦水至懷遠入淮

孝宗弘治七年劉大夏引河水一由中年至潁州東入淮一由

亳州逆渦水入淮一由宿遷小河口入淮

世宗嘉靖七年河決一由滎澤經陳潁至壽州入淮一由開封
府經睢亳至懷遠入淮

嘉靖十九年河決睢州由渦河入淮

穆宗隆慶四年河決高家堰 自此淮黃始合流為患于下河

神宗萬曆三年淮黃合流決壞高家堰

萬曆二十二年河決挾淮水灌泗州城

萬曆二十三年河水挾淮水由邵伯埭下芒稻河入江

萬曆三十年河決蒙牆由洪澤入淮

熹宗天啟二年河灌下河挾淮水俱由吳化五場出海

國朝

聖祖仁皇帝康熙九年河決清水潭

康熙十一年河決清水潭連年沖決下河

康熙三十五年河決灌下河七州縣

古者河淮本不相通自金以浚合而為一清河以東之淮身胥化濁流而反客為主矣要之河與淮合河之利非淮之利也蓋河流濁得淮之清水与之并力刷沙是河利也然河或有時而淤則淮入海之道亦塞非惟淮無所洩凡汝潁濠淝等水俱無從洩故于淮非利也且淮弱河強淮退縮一里河即倒灌一里于是安同趨于海之勢而同注于漕渠再挾諸湖共為泛濫冲堤次堰害可勝言耶


又考明初運河本不通淮糧舡俱由淮安府東北車盤過壩入河平江伯開清江浦運河始通于淮然初時防護其法甚


嚴自移風閘以下連建數閘連相啟閉以免倒灌止許糧船
鮮舡由此出口餘舡仍令車盤過堤又申嚴閘禁每歲三月
糧舡過盡即便封閉直待伏秋水發過後至九月再開放回
空糧舡進口又慮河溢侵漕于是堤北河之南岸四十里以
護漕河石甃甃嘴于草灣對岸之中以護堤人慮淮漲侵漕
于是築淮東之高家堰長二十六里以護漕河磚甃涵洄於
中以護堰法甚善也日久廢弛任河淮交通以致合併為寇
則後人之咎非前人之咎也

又考黃河入淮、勢弱不敢與河抗始穿高堰泛溢于下河

併侵泗州或者不察更欲決堰以馮淮而救泗不知高堰一
決則淮水盡趨于湖入海之分数少而淮益弱矣淮弱則黃
躡其後高堰雖決安能洩淮水之漲乎蓋淮但可導之入海
必不能使之由湖以入江淮南之地由高室而東則供下邵
伯而南則又昂淮之不得達于江也地限之也夫淮為泗患
淮即泗之寇也為泗計者宜逐之出境而誘之四出以掠內
地可乎黃為淮患黃即淮之寇也為淮計者宜堅壁以待而
開閘延敵使乘勝深入可乎况淮黃合縱而至上不圖守之
于要害下不圖洩之于尾閘而徒曰撤堰是不知割地之難

于自完而滅虢之終于取虞也





禮